

宋
四
六
話

宋四六話

南昌彭鵬纂定

卷六表

東萊呂成公祖謙集皇朝文鑑既成孝宗錫名文鑑除
公直秘閣暨賜御府金帛成公謝表云既叨中秘清切
之除復拜御府便蕃之賜陳騭時爲中書舍人執奏以
爲此特編類之勞恐賞太厚上不悅陳成公遂力辭帖
職上不從

四朝聞見錄

建炎三年先忠宣公銜命使北方以淮甸賊蠭起除兼

淮南京東等路撫諭使俾李成以兵護至南京公遣書
抵成成方與耿堅圍楚州答書曰汴泗虹有紅巾非五
千騎不可往軍食絕不克唯命公陰遣客說堅堅強成
斂兵公行未至泗諜云有迎騎甲而來副使龔璘憚之
送兵亦不肯前遂返旆卽上疏言李成以醴餉稽緩有
引衆納命建康之語今靳審薛慶方橫萬一三叛連衡
何以待之方含垢養晦之時宜選辨士喻意優加撫納
疏奏高宗卽遣使撫諭成給米五萬斛初公戒所遣持
奏吏須疏從中出乃詣政事堂白副封時方禁直達忤

宰輔意以託事滯留爲罪特貶兩秩而許出滁陽路紹興十三年使回始復元官時已出知饒州命予作謝表直敘其故曰論事見從猶獲稽留之戾出疆滋久屢沾曠蕩之恩始拜明綸得仍舊秩伏念臣頃繇乏使不敢辭難值三盜之連衡阻兩淮而荐食深虞猖獗之患或起呼吸之間輒露便宜冀加勤恤雖璽書賜報樂聞充國之建言而吏議不容見謂陳湯之生事虧除官簿縣厯歲時敢自意于來歸遂悉還於所奪茲益忘人之過與天同功念臣昔麗於微文蔽罪本無於它意故從數

赦俾獲自新書印既畢父兄復共議秦檜方擅國見此
表語言未必不怒乃別草一通引咎曰使指稽留宜速
虧除之朕聖恩深厚卒從枚牋之科仰服矜憐唯知感
戴伏念臣早繇乏使遂俾行成值巨寇之臨衝欲搏人
而肆毒仗節宜圖于報稱引車何事於逡巡徐偃出疆
既失受辭之體申舟假道初無必死之心雖從貶秩以
小懲許立功而自贖徒行萬里無補一毫敢妄冀于
隆寬悉還於舊貫茲蓋忘人之過撫下以仁陽爲德
而陰爲刑未嘗私意賞有功而赦有罪皆本好生坐使

孤臣盡湔宿負云云

容齋三筆

徽宗以紹興乙卯歲升遐時忠宣公奉使未反命滯留冷山遣使臣沈珍往燕山建道場於開泰寺作功德疏曰千歲厭世莫遂乘雲之仙四海遇音同深喪考之戚况故宮爲禾黍改館徒饋于秦牢新廟遊衣冠招魂漫歌於楚些雖置河東之賦莫止江南之哀遺民失望而痛心孤臣久繫惟嘔血伏願盛德之祀傳百世以彌呂在天之靈繼三后而不朽

容齋三筆

盤洲洪公擬宰臣賀復河南表有宣王復文武之士光

啟中興齊人歸鄆謹之田不失舊物之句

辭學指南

韓文公王仲舒銘云敷文帝階擢列侍從野處謝敷文
閣直學士表云宣布中和方歌盛德之事擢列侍從遽
復敷文之階雖借用而切當

國學紀聞

表斷句須有力如洪景廬但驚奎壁之輝自天而下莫
測龜龍之秘行地無疆

辭學指南

移吉陽軍鼎謝表曰白首何歸悵餘生之無幾丹心未
泯誓九死以不移檜見之曰此老倔強猶昔

宋史趙鼎傳

朱文公慶元二年冬十二月癸丑禡職罷祠臺臣擊僞

學至榜朝堂未幾張貴謨指論太極圖說之非而沈繼
祖以追論伊川程正公爲察官而胡絃草公疏未上會
以遷去職遂轉授繼祖故有是命公遂拜表稱謝曰罪
多擢髮分甘兩觀之誅量極包荒姑示片言之貶迫復
竚於白簡始知麗于丹書鑄延閣論撰之名輟真祠香
火之奉茲爲輕典永賴洪庥捧戴奚勝感藏曷喻中謝
伏念臣草茅賤品江海孤生蚤值明時已誤三朝之眷
獎晚逢興運復叨上聖之深知召自藩維擢參經幄累
無可紀足稱所蒙旣遠去于朝行卽永歸於農畝然猶

界之秩祿使庇身於卜祝之間實在清流容廁跡于圖
書之府所宜恭恪或追悔尤乃弗謹於彝章遂自投於
憲網果煩臺劾盡發陰私上瀆宸嚴下駭聞聽凡厥大
譴大呵之目已皆不忠不孝之科至於衆惡之交歸亦
乃羣情之共棄而臣賸眊初罔聞知及此省循甫深疑
懼豈謂乾坤之造特同日月之光畧首從之常規既俾
但書于薄罰稽箚終之明訓倘許卒遂於餘生是宜衰
涕之易零惟覺大恩之難報此益伏遇皇帝陛下堯仁
廣復舜哲周知謂表正於萬邦已極忠邪之判則曲全

於一物未傷黜陟之公遂使頑蒙獲逃竄殛臣敢不
濡聖澤刻勵愚衷雖補過修身無及桑榆之暮景然在
家憂國未忘葵藿之初心

四朝聞見錄

景定壬戌曾仲實侍郎爲江西轉運使時度宗以忠王
立爲皇太子四月九日乃其誕辰次山爲曾公作賀箋
有曰純乾直月祥開初九之潛索震承華德稟函三之
極諸司傳誦交稱精切蓋四月應乾而初九潛龍爰慶
儲副且協其誕日也

隱居通議

陸放翁名游字務觀文士也高宗紹興末已爲樞密院

編修官孝宗初立召對與尹穡同時賜進士出身恩遇甚渥俄以不謹交游罷通判鎮江府上不樂由是屢薦不官久之乃從范至能成大入蜀旣而補郡稍遷部使者又以言廢淳熙末起守嚴陵入見上勞勉之旣到官以表謝曰明主恩深書生命薄唐帝之知李白一官不及於生前漢皇之慕相如遺橐徒求於身後上頗憐之內禪前十日命以軍器少監權禮部郎中孝皇愛惜人才不終棄如此

隱居通議

周漢國公主增封兩國次山爲運司進賀皇帝表有曰

王姬下嫁於皇車服之儀帝制坦明復增湯沐之邑及
公主薨又進慰箋於東宮有曰太傅之教在前勳遵於
禮有姊之喪拱右悲發乎情願於晨昏定省之餘勉進
哀樂中和之諫其慰皇帝表有曰豈不嬰於皇情願悉
歸之天數皆確論也

隱居通議

周國公主出降去非爲趙廣微尙書進賀表有曰乾元
御極化爰始於修齊巽索承華恩聿隆於選尙倚歟天
合允矣邦榮未云王姬肅雍婦道信內則之咸宜帝堦
貴重朝廷喜中興之僅見蓋自南渡後累朝未有帝姬

宋四六話卷六

六
海山仙館叢書

出降故也。隱居通議

包樞相恢嘗知平江府兼淮浙發運使奉詔行公田事
既告成得轉通議大夫去非爲作謝表曰百畝畢公田
之事詔俾奉行十行賜方國之書恩叨遷轉造語穩熟
公田之行也賈師憲實主之雖曰省造楮以重國計然
當時行之極擾浙右震動包公以大儒奉風旨大失士
望故其轉官也公論惜之。隱居通議

樞密包公道夫平生最疑周禮以爲非聖哲之書遂著
書剖其非號曰周禮六官辨景定壬戌公與劉潛夫尙

書同侍讀緝熙殿潛夫奏之有詔宣取歐聖弼爲作

表雖所辨未當而表則極佳每恨失其藁今年壬辰歲

六月留盱因叩其子聲道再求得之

按至元二十九年壬辰公年五十三

歲此蓋當時紀失而復得之歲月而編輯則在闕歸之後也

道在五經固昭垂於

範書稽六典敢妄肆於管蠡不圖一得之愚仰徹四聰

之聽臣竊謂孟子不盡信武成之策宗元猶深疑月令

之文矧茲設官分職之辭決非垂世立教之本蓋劉

作以輔新室莫掩其奸謂周公以之致太平恐乖其

惟唐宗誤以爲聖作雖漢儒亦識其陰謀宇文放此而

疾顛安石行之而大壞儻果出古者不刊之訓何至爲
後來取敗之階臣退揆蒙愚未能渙釋耳提面命頗有
得於父師口誦心惟因默參於義例乃詳訂而爲之辨
欲深藏以淑其私顧惟積聞見於丁年豈意裨覽觀於
乙夜茲蓋恭遇天生神聖日就緝熙格物致知固已循
於本末謹思明辨尤欲盡於精微遂令螢爚之末光亦
造蠅蚓之邃宇臣夙褻臆說欣際昌期學古訓而求多
聞涓埃奚補藏書府以待能者鉛槧爲榮故友范去非
精工表奏謂余曰此表殊未易作而聖弼作此極有手

段馮虛駕空自成一片令人讀之心服去非與聖弼交情不孚而當時公論如此

隱居通議

初允文由臨安府學教授爲國子監書庫官遷宗學諭以言去踰年得監華州西嶽廟以啟謝諫官曾廣微淵子有曰多男富壽請祝聖人之三萬事功名竊誦諫官之四亦輕俊也允文舊所長者作賀體詩及長短句甚精工其後殊諱言之臨安失守後福州建行朝允文奉密詔舉義其後事不成爲文丞相所殺予作哀文弔之曰故江西制置招討使侍郎吳公稟資明銳遭世艱虞

當樞密誅范瓊實參計畫適翰林乏陸贄遂掌贊書俄
拂衣從田里之歸忽游騎迫鄉邦之陷社稷實不血食
深哀傾覆之何辜宗廟盡為黍離每念播遷而隕涕旣
出危城之岌岌長懷故土之茫茫會飛龍重建於行朝
而繫雁鼎來於密詔慟哭拜命慷慨起兵關中遺民喜
見孔明之奮山東羣盜悉歸宗澤之招旣雲合而風從
宜乾旋而坤轉云云

隱居通議

景定癸亥冬至節次山爲運司進皇太子賀箋有曰聖
心觀復驗初晝之震庚卦氣守中迂循環之乾甲益次

年卽甲子見得是亥年賀震宮冬至也其賀皇帝表有
曰壁中軫中密察乾文之運天大地大益昭王道之真

隱居
通議

頃年番江初刊唐子西詩集時寓公熊叔雅來見先人
偶案間置此書顧煇曰曾看否第九卷第一篇惠州謝
復官表首云始以爲夢旣而果然語簡而意足可法也
退而先人誨煇曰前輩觀書不苟簡類如此雖一覽亦
記篇目後生豈可不勉

清波雜志

西山先生曰表有賀有謝經筵進讀進講有進貢有進

書其體頗不同除單題易區處有總數事爲一題者破
題須包盡至於瑣碎工夫尤爲繁多且如出一賀冊表
非胸中有五六件冊寶如何展布得一篇又有不可測
者如宣和間順州進枸杞表固非場屋中出萬一試日
或遇此題平時不知枸杞爲何物焉能作靈根夜咲之
語哉須燈窗之暇將可出之題件件編類如初學記六
帖藝文類聚太平御覽冊府元龜等書廣博搜覽多爲
之備向年嘗見臨安進野鷺繭及絲縣紉絹因謂同學
者曰萬一以此命題中間將何鋪敘皆相顧無語其後

擬一聯云縷絲織纈無慙萬貢之供水素方空不敷齊

官之獻絲絲紗絹四者皆全須如此用工可也

辭學指南

甲子六月六日昧爽福寧殿東西向列聖訓及讀書紀
要各二匣凝華集一匣太子兩拜問安又兩拜云臣某
職守東閣恩承南面近思問學謹葺韋編伏遇參參皇
帝陛下聖訓尊嚴師資妙選遂令謏見晉徹睿知臣下
情無任瞻天望聖激切屏營之至兩拜稽顙舞三拜開
匣各奉一冊以進兩拜云纂輯所聞編摩亦久慙非博
學幸徹嚴宸陛下教育歲深修爲日漸謹祈鈞覽終賜

玉成兩拜進凝華集云自幼習詩久承親訓僭編草藁
恭進冀階陛下勤於教子學乃知方仰冀聖慈錫之乙
覽兩拜退本宮聖堂祈祝文云愚昧讓才勉強學問夙
佩君親之訓垂二十年問安視膳之頃凡一語一言之
教詔服膺勿失曾集爲編目曰聖訓凡二百卷卜吉恭
進惟神靈陰相之入日付史館賜詔云朕惟萬邦克正
端自元良百世昭垂常存典則爰示宗嚴之訓以昭
翼之謀期續心傳用敷言教皇太子某天資既淑學問
益充凡平時丁寧告誡之辭悉見於躬行實踐之際復

加編集以示鑑觀爰實契於朕心可永垂於世則庸加
諭旨不寓至懷九日起居畢致詞云頃集訓言獲遭乙
酉登之史館獎以溫辭陛下道重傳心恩深教子敢不
益加勉勵庸竭忠勤兩拜進詩云寵頒御墨十行新天
錫光華被小臣家學傳心當謹守恩深何以報君親兩
拜舞蹈退祝文云昨者告恭進聖訓果蒙默佑得徹宸
嚴君親悅怡宣付史館不惟見某平日積習之功亦見
我皇上天縱之學修齊治平之道藏之石渠照耀今古
佩服神迎與此編相爲長久尙享

陳世崇隨隱漫錄

紹熙甲寅歲太學諸生擬勸行樂表云周公欺我願焚
酒誥於通衢孔子空言請束孝經於高閣以勸爲諷字
字有來歷 鶴林玉露

岳武穆家謝昭雪表云青編塵乙夜之觀白簡悟壬人
之譖甚工 鶴林玉露

嘉定和戎湖南師帥曹彥約賀表云過也更也何傷日
月之明赦之宥之式彰天地之大一時傳誦吾郡羅蓬
伯之詞也 鶴林玉露

嘉定受寶璽南塘賀表云函封遠致不知何國之白環

琢刻孔章咸曰寧王之大寶

困學紀聞

玫瑰樓公曰順州得枸杞宿根於土中綦北海屬聯曰
靈根夜吐美異質于千年驛騎朝馳薦聖人之萬壽眷
荒裔沈藏之久實王師恢復之初物豈無知時如有待
表既進天子爲之改容

辭學指南

朱異宣諭七閩劾江夕拜常循俗異宮朝廷薄其罪止
令分析江謝表云盡擊鮮更日之歡復擁笏垂魚之樂

誠璧

東萊先生曰表中謝後當說竊以各隨題意如代樞密

使謝賜玉帶表云竊以裴度視師服章武通天之賞衛
公戡難拜文皇于闕之珍如謝賜御書周易尚書表云
竊以法始四營莫辯乎易文兼五典皆聚此書是也或
用事或不用事亦無定格

辭學指南

竊交修代謝賜御製御書夏祭神應記表曰聖謨煥發
紀休應于柔祇宸翰昭垂霑龐恩于邇服第二人便說
御書不甚分明

辭學指南

黃伯庸代宰相賀雪表云招來衆彥無晝卧洛陽之人
教勵三軍有夜入蔡州之志詞意壯切真宰相事也李

公甫表云漢使嚙氊未必得匈奴之要領楚軍挾纓
當堅祈父之爪牙語雖巧頗牽彊

鶴林玉露

代嗣高麗王修貢表俱是先說襲封方及來王之意
第一人黃符先說本朝首聯云仰被王靈獲承基緒
修臣職敢後要荒羅疇曰中國明昌適際聖神之運
邦奔走宜修臣子之恭雖不及嗣王之意亦以首言
國遂爲第二

辭學指南

羅疇老代高麗修貢表全篇皆穩其間一聯云地瀕
出每輸傾藿之心天濶露零亦被麥蕭之澤二事入

之極熟此聯稍變言語遂爲佳句大抵用事當如此不然則汎濫雷同矣其斷句云矢來肅植用昭遠慕之誠弓掛扶桑永荷誕敷之德亦好

辭學指南

林虞謝修都城記表全篇皆好但斷句無力其中天造地設示根本於遐荒陽曜陰藏壯規模於萬古警句也

辭學

指南

張彥實楊原仲並居西掖代言多彥實與之潤色初亦無他彥實偶戲成二毫筆絕句云包羞曾借虎皮蒙筆陣仍推兔作鋒未用吹毛強分別卽今同受管城封原

仲以爲誚已大怒愬于會之詠言路彈之彥實以本官
罷爲宮祠謝表云雖造化之有生有殺本亦何必然臣
下之或賞或刑咸其自取

揮塵餘話

李侍郎伯玉爲侍講誤犯穆陵嫌名上章自劾有旨免
罪震卿爲表有曰講學方新聿陳古誼臨文不謹
誤觸嫌名頃雷電之震驚荷乾坤之涵育臣若稽虞典
舜曰重華表考夏書禹稱文命如揭日月不以山川有
耳曰老皆知豈齒牙之敢及又曰姓所同名所備旣重
引方屏居表作重男作重女大悖於聖度此表一時爲

人夸誦 隱居通議

淳祐三年召趙葵欲除右相葵到京言者謂宰相須讀
書人葵知乃逕出國門上表辭相位曰霍光不學無術
每思張詠之語以自慚后稷所讀何書敢以趙抃之言
而自解歸領鄉郡

無名氏宋季三朝政要

楊駿馬賜第拓四旁民居以廣之最逼近者莫如太學
主方大猷之居首獻作倡穆陵大喜視其直數倍酬之
方作表謝有云普天之下莫非王土一毫以上悉由君
恩自此擢第登朝皆由此階而梯焉

齊東野語

杜善甫山東名士工詩文不屑仕進有薦之於朝遂召
之表謝不赴中二聯云俾獻言於乞言之際敢盡其忠
若求仕於致仕之年恐無此理不能爲白居易漫法香
山居士之名惟願學陸龜蒙拜賜江湖散人之號山房隨筆
開禧間陳宜中與權劉黼聲伯黃鏞器之林則祖興周
曾唯師孔陳宗正學亦以上書得謫號六君子至景定
初時相欲收時譽並擢高第旣而林則祖陳宗先死曾
屢遭黜三公者相繼召試居言路出藩入從咸淳癸酉
間聲伯自海閩召爲從官翰苑與權自閩帥擢秋官居

項闐器之起家知廬陵兼倉節是歲六月正言郭闐劾
器之云虛名多足以誤世實德乃可以服人又云黃鏞
偶儕六士遂得虛名昨守吳門怪狀百出愧士不敢謁
學畏軍不敢閱武既綰郡符復兼庾節怪誕仍不可枚
數矣越宿陳與權入奏曰朝廷建官本欲兼收實用臣
子事上豈容徒竊虛名倘公議有及於斯恐頃刻難安
于位比觀諫垣造膝之抨彈斥云廬陵治郡之無狀一
皆公論何預孤蹤但首發虛名之誤世上係國家而明
指六士以修言已形辭色蓋亦謂忝論思之數將使自

知進退之謀欲使特畀閒廩以穆師言詔不允云虛名
誤世辭氣若過於抑揚實德服人指意則有所歸重援
是求去非朕攸聞劉聲伯亦一再上疏求去不允郭不
自安乞罷言職者亦再云直言無忌者諫之職何敢容
私轉喉觸諱者語之窮安能逆料惟茲老守舊有直聲
惜其碩六士之稱不能終譽若此今指其兩郡之政謂
非虛名可乎二臣何見相繼引嫌實是實虛自虛人品
固難於槩論聞所聞見所見事理委無以相干亦不允
其請齊東野語

德祐元年五月太皇太后詔諭呂文煥等息兵通好文
煥回本國書云報國盡忠自許初心之無愧居城守難
豈圖末路之多差茲祈轉念昔年之功庶可少伸今日
之款明公問信歸人欲言伏念少厯戎行壯臨邊徼干
戈滿眼輕性命于鴻毛弓箭在腰繫死生於馬足不憚
驅馳于西北誓將屏蔽于東南幸以微勞屢收薄效至
若襄城之計最爲淮甸之危蠢茲無厭之人指將必攻
之地迅裂如水火之衝擊震蕩如風雨之去來坐一日
爲尤難居九年而可奈南向高築盡欲拒吾喉襟樊城

盡屠其在剪我羽翼雖劉也先首於犯順而焦然中苦
於黨姦孤城其若彈丸謂可靴尖之踢倒長江雖曰天
塹或欲投鞭而斷流充焰如斯先聲屢至臣能死爾仰
天而哭伏地而哀男旣生氓析骸而炊易子而食尙冀
廟堂之念我急會鄰郡之聚兵委病痛于九年之間案
肌肉于羣虎之口思念張巡之死守不如李陵之詐降
猶期後圖可作內應國手局敗留着此豈出尋常之機
俗眼圖耳觀形奈不識驪黃之馬豈使忠臣偶陷于他
國亦從絕意不念于鄉閭固知死也何補于生安有食

焉不任其事因銜北命乃擁南兵視以大馬報以仇讐
非曰子弟攻其父母不得已也尙何言哉臣煥等死罪
幸荷今皇上直其好生開以自新之路明公都督雖是
問罪藹然念舊之情安敢固違永爲背叛見今按兵不
動卧轍不驚撫此良辰伏觀景命且秦穆公之赦殺
在野人猶知報恩如齊威公之相射鉤願君子終無一

怨

劉一清錢塘遺事

盧多遜丞相謫海外國史載其謝表末云流星已遠拱
北極以無由海日空懸望長安而不見又其孫載作范

陽家誌附其臨終自作遺表畧云昔日位居黃閣眾
樂金此時身謝朱崖蔓草縈骨雖有五代衰氣然亦一
哀矣 四六話

王元之謫居黃州至郡二虎鬪於郡境一死之羣雞夜
鳴冬雷電司天奏守土者當之詔內臣乘驛勞之卽徙
蘄州抵蘄上謝表曰宣室鬼神之問敢望生還茂陵封
禪之書止期身後上覽之曰禹偁其亡乎 四六話

元之自黃移蘄州臨終作遺表曰豈期遊岱之魂遂協
生桑之夢蓋昔人夢生桑而占者云桑字乃四十八果

以是歲終元之亦以四十八而歿也臨歿用事精當如此足以見其安於死生之際矣

四六話

嘉定間寶謨閣學士許奕病篤口占遺表云臣非衰病偶染微疴當湯熨可去之時臣則以疾而爲諱及殽斁已窮之後醫遂束手而莫圖靜思膏肓所致之由大抵脈絡不通之故固知養患成禍豈惟理身則然苟能疏壅預防以之醫國亦可益指近事以爲身喻也乾道間胡周伯尚書亦云賈誼號通達國體大瘳蹠跽類辟病非皆借一身喻之今日國體何病也能言病未必能處

方不能言病而輒處方誤人死矣今日之病名風虛虛
內也風外也外風忽中半身不遂靖康也幸其半存建
炎也咎已往半存之身常凜凜不自保也今欲併治不
遂者怵市道之說佳嘗試之方湯熨砭石雜然而進使
誼復生必慮中風屯至至半存之身亦不能救矣所謂
可痛哭流涕者也其一本呂獻可乞致仕表云臣本無痼
疾偶直醫者用藥乖方不知脈候有虛實陰陽有順逆
診察有標本治療有後先妄投湯劑率任情意差之指
下禍延四肢寢成風痺遂難日步非徒憚蹢躅之苦又

將虞心腹之變勢已及此爲之奈何雖然一身之微固所未恤其如九族之託良以爲憂是思逃祿以偷生不俟引年而退政三公之論實祖誼云

碧溪詩話

張南軒將死作遺表曰再世蒙恩一心報國大命至此厥路無由猶有微誠不能自己伏望陛下親君子遠小人信任絕一己之偏好惡公天下之見永清四海克鞏丕圖臣死之日猶生之年表來邸吏以庶僚不得上遺表却之卒四日上乃聞之

宋名臣言行錄

表章自序以兩臣字對說由東坡至汪洋溪多用之然

須要審度君臣之間情義厚薄及姓名眷顧於君前如何乃爲合宜坡潮州謝表云知臣愚不適時難以追陪新進察臣老不生事或能收養小民登州表云於其黨而觀過謂臣或出於愛君就所短以求長知臣稍習於治郡侍讀謝表云謂臣雖無大過人之才知臣初有不欺君之實欲使朝夕與於討論潁州表云意其忠義許國故暫召還察其老病畏人復許補外汪謝徽州云謂臣不改歲寒故起之散地察臣素推月旦故付以本州爲陸藻謝給事中云知臣椎魯無它故長奉賢王之學

憫臣踐揚滋久故亟陞法從之班爲汪樞密謝于自北
歸不令入城降詔獎諭表云知臣齒髮已凋常恐鄧攸
之無後憐臣肺肝可見有如去病之辭家凡此所言皆
可自表於君前者劉夢得代竇羣容州表有察臣前任
事實恕臣本性朴愚之句坡公蓋本諸此近年後生假
倩作文不識事體至有碌碌常流乍得一壘輒云知臣
察臣之類真可笑也

容齋四筆

郡守謝上表首必云伏奉告命授臣某州已于某月某
日到任上訖然後入詞獨劉夢得數表首尾敘述皆與

它人表不同其藝州汝和州同州蘇州諸篇一體邁長
予梓嘗稱誦之及爲太平州遂擬其體代作一表其詞
云臣邁言伏奉今年九月十七日制書授臣知太平州
者一麾出守方切矜危三命滋共弗容揜避仰皇天之
大造叩丹地以何言中謝恭惟皇帝陛下敷知有臨神
武不殺慕舜之孝見堯于墻德冠古今而獨尊仁並清
寧而徧覆明見萬里將大混于車書子來庶民更精求
于岳牧臣家本儒素時無令名濫竽鴻博之科稅駕清
華之地瀛山抱槩耶省握蘭在紹興之季年污記注於

右史龍飛應運鳳紀卜祥不遺細微兼取愚頓遂以詞
賦之職獲侍清閒之歡雖宿命應仙許暫來於天上而
塵心未斷旋即墮于人間一去十八年之中三叨二千
石之寄未繇金華郡還紬石室書從珍臺閒館之遊勸
廣廈細旃之講真拜學士號名私人受九重知己之殊
極三八承明之幸使與大議不專斯文而臣弱羽不足
以當雄風蹇步不足以勝重任上恩惜其終棄左符寵
其餘生李廣數奇徒羨侯于校尉汲黯妄發敢歎薄于
淮陽臣卽以今月二十八日到任上訖伏以郡在江東

昔稱道院地鄰淮右今謂壯藩謹當宣布恩威奉行寬

大求民之莫問俗所宜緩帶輕裘雖弗賢長城於李勣

清心省事敢不避正堂于蓋公庶幾固結本根少復報

酬知遇全規模其步驟然視昔所作猶覺語煩容齋四筆

表起聯 東觀書林久俟漢儀之覩西崑策府載瞻周

馭之臨東萊賀車駕幸秘書省 皇治憲天垂宏模於萬世史編

繫日照成法於一王倪正父進壽皇日記 德茂重華接璿源而

詒燕書嚴大典續寶牒以垂鴻進壽皇玉牒 侍言虎觀陳

三聖之宏規錫宴麟臺講一時之盛禮周益公謝讀三朝寶訓終篇宴

賜

聖皇至孝荷神鑒之溥臨清廟儲祥挺靈華之秀

發

說齋賀仁英室芝草

上聖紹休丕衍洪圖之慶元儲正位茂

膺顯冊之儀

陳正父賀皇太子受冊

治繼三朝不闡貽謀之懿

法垂萬世聿嚴紀事之書

西山進三朝國史帝紀

聖神御極廣

推偏覆之仁動植蒙休共効太平之瑞

葉謙亨進五色雀瑞麥芝草圖

聖而濟衆親成垂世之經予以馭臣例及稱藩之國

李公彥代夏國謝賜聖濟經

烈祖文孫一本續承之懿皇支帝載

兩全筆削之公

王器之進三祖類譜今上重修玉牒

三后在天軼鴻猷

於今古百王冠德紀茂實于典謨

東萊進三朝國史

規模宏

遠更三聖以重光憲度著明參四書而並載進慶元勅令格式

惟皇上帝將開與子之祥有恤閔宮肆嚴尊祿之事

野處賀 舜數在躬大一人之聖孝堯言布下輯三紀

之睿謨東萊進建炎紹興詔旨 投戈講藝載信三代之風肄筆

成書增賁七篇之訓東萊謝賜御書孟子 九月授衣駿發先庚

之旨百官承式溥霑令甲之恩謝冬衣 親年有永方齊

箕翼之輝聖孝無前併上乾坤之策賀太上帝后尊號冊寶禮成

宸襟典學稽上古之聖謨帝幙疏恩錫先儒之義贊許蒼

舒代講讀官謝賜尚書正義 鏤牒編年並紀光華之旦涓辰歲事

聿新尊閣之儀

傳景仁賀奉安王牒日紀

明聖宣恭寫作宸居之

監書言深潤勒爲冊府之珍

代宰臣進秘書省石刻御書御製敬天圖

御

府芬珍煥切磋之文采使輶臨賜新指畫之威儀

龍溪謝賜

象簡

皇天篤佑忽垂象以示人聖主靈承乃側身而修

行亟銷變異宜卽彝儀率籲庶工仰于淵聽

星變請御殿復膳

保章瞻象旣除星祲之灾太僕詔王盍正朝儀之位

龍溪星變

辭學指南

請御正殿

表竊以用事真宗著清景之題必言省費仁祖述危

竿之諭蓋謹居高

周益公謝御製損齋記

應如堯帝祝多子于

封人聖若文王詠百男子周雅周益公賀世祖推恩

長安列六子之舍明皇廣愛華清建百孫之居盤洲代

第賜周有采薇之詩因命帥以衛中國漢著大風之詠

期得士以守四方初寮謝被阜以生駘漢庭之熙洽

食榘而化彰唐室之隆平滕子濟賀漢文繼統每惟

代邸之優唐帝嗣圖尤軫潞宮之念魯可宗代常德

姬姓作藩未成人而賜履漢宗受社方在祿以錫封章

簡代皇堯言布下猶資五典之傳漢制恤人尙賴六

經之績進續修寬笙鏞列于舜陞無相尊倫管磬設

于周庭既備乃奏

初寮賀燕樂成

與史冊以並驅唐有嘉名

之創煥文風而可述漢稱洪業之尊

陳益父賀奉安王牒御集

犀

來徼外表章帝之重熙維貢越裳慕成王之極治

周益公交

趾進象

擁簪迎門漢祖悟櫟陽之敬望樓執轡唐宗羞

興慶之歡玉卮唯志於夸毗寶冊不忘於授受奮乎百

世在我一時

野處賀加太上尊號

頌采羽於漢賢盛述威懷之

應紀來牟於周雅備陳率育之休惟效異之靈華亦騰

歌於樂府

莫冲五色雀瑞麥芝草圖

天錫嘉符芝稱珍物俯延英

之御座爰興唐帝之詩生甘泉之齋房嘗下漢皇之詔

說齋賀仁宗英宗 辭學指南

室前柱上生芝草

表推原 烏本陽精鵠知歲事方聖祚紹隆於火德適

天時應在於金穰

龍溪賀赤鳥白鵠

極儒者之榮獨高翰墨

之選鼓天下之動莫如號令之孚矧參基命之承尤峻

禁林之望

王岐公謝翰林學士承旨

皇祖有訓嘉言孔彰開創守

持垂億萬年之基業都俞吁咈振六十載之綱條皆聚

此書克昌厥後

周益公讀三朝寶訓終篇

辭學指南

表鋪敘形容

重陰益固應水澤腹堅之時積潤潛通

迎土膏脈起之候

常袞賀雪

有璞於此必使琢恍驚制作

之工匪伊垂之則有餘允謂便蕃之賜洪景嚴謝玉帶鳳生

而五色帳丹穴之已遙龍藏乎九淵驚驪珠之忽得呂吉

父謝賜神宗御集帝暉下矚光榮河溫洛之藏天藻昭垂跨

過沛橫汾之詠東萊賀幸秘書省金英並秀絢藻井以煌煌

紫藩駢分映瑩階而蔓蔓北海賀芝草如玉韞石虹氣隱

乎山川及雲升天龍澤沛乎宇宙南塘賀登極太極班朝

肅廷紳而咸會少陽在列絜卷服之彰施洋洋軌範之

言奕奕瓊瑤之刻溫文有恪陟降欽承將以鼓鐘對峙

黃麾之仗授之璽綬交輝青路之旂小侯邦備物之彝

陋王社初封之詰

陳正父賀皇太子受冊

品羅羣帙岳峙大廟

粲然物采之新將以鼓鐘之奏徹覽觀於宸極重尊閣

於禁嚴典籍聿崇小廣內承明之秘圖書畢出會榮河

溫洛之祥

陳益公賀奉安玉牒御集禮成

適華編之初徹叨異渥之

沓來輝映宮蜍特煥寶奩之飾歡均萃鹿例陪綺席之

光文韜名駿之鮮明濃麝龍團之芬郁夸鄭幹析經之

賜侈桓榮稽古之蒙輒陳歸美之章不展逢時之慶詩

哀百詠倣麗正之賡酬句寫七言將栢梁之聯屬

徐子儀代

經筵讀孝宗聖政終篇謝宴賜進詩

編簡旁羅尙想古文於藏壁金絲

宋四六話卷六

三

迭奏如聆雅韻於升堂

傅景仁講
尚書謝宴

樂繳韶英之奏儀

修卉甫之容甘醴薦令芳秩彌文於主鬯吉日告爾字

申嚴訓於臨軒

賀聖子
冠禮

銀潢滉漾玉版閱嚴千八百

國之封先乎異姓五三六經之籍展也同符

東萊賀進
類諸玉牒

二后受之同歸于治萬物備矣皆聚此書萃圭璧於

絲文會日星於漆簡

進寶
訓

旌旗燭耀於洪河金鼓震

驚於靈嶽介邱霧息已望翠華之來沂水更生更起舞

雩之詠

柳子厚賀
破東平

東臺瑞物冠玉璽之珍符左戶興

圓增金城之列障

呂吉甫
賀元會

璿題灑落煥東壁之星躔

藻衛森羅備甘泉之法駕奉雕輿而降格被玉座以安

安

呂希純賀景靈宮奉安御容禮成

公孫數萬之詭辭披圖可見虞

初九百之小說開卷盡知豈伊龍閣之珍藏乃作雞林

之秘寶

葛滕仲代高麗謝賜太平御覽

龍盤虎伏瞻王氣以雲屯螭

首龜趺據神靈而山立

林虞謝賜都城記

辭學指南

表用事形容 名臣畢萃踵劉珍建武之規異域旁該

掩德祔會昌之作

李嶽進四朝列傳

肇易編年脗合馬遷之

纂次著為考紀更逾班固之鋪張

西山進帝紀

遠循函俗

先九月以授衣俯陋漢儀因立春而賜帛

謝賜冬衣

廻翔

有煒協周家王屋之符粹美而真異莊子彫陵之見龍溪

賀赤鳥

白鵲

効貢毫都上揜太宗之迹伴圖蜀郡益增仁

祖之光

說齋代臨安府進瑞麥

辭學指南

表末聯撮其機要誠堯典十萬之言奉以周旋取武

成二三之策

姜凱謝賜尚書正義

謹文王安否之問敢怠帥行

書唐宗仁孝之詩仰祈札賜

攻媿代皇太子謝冊命

既與在庭

之多士同值文興將令就傳之百男悉從隗始

龍溪代嘉王謝

及第

寶五典之書而為訓獲舉宏綱舉三宗之事以戒

王願禪末議

西山進三朝帝紀

紀周宣舞鎬之年外攘復古

按韓愈辨徐之說不戰來戎

初察賀白兔

動鼓鐘於長樂

何慙漢家為壽之儀響環佩於後宮更邁唐室奉觴之

禮

周益公賀太

視淮南之誓豈但矜誇於下國聽山

東之詔固當裨助於中興

同上謝翰林學士

聽漢詔於山東

少補中興之治布詭言於天下庶無內相之慙

同上

事

倣石渠稱制仰勤於臨決才非山甫有司終愧於將明

攻媿進吏部表

讀列聖之錄諒思風烈之如存上庶事之歌

所冀明良之交勅

徐子儀讀聖政篇進詩

惟禮可以為國願廣

晏嬰之言非道不敢陳前竊効孟軻之敬

西山謝禮部侍郎

賜宮錦而嘉草詔之能雖非敢望卽金鏡而擿任賢之

要知所自期

謝翰林學士

舜裳五色慚微裨補之長燕駿

千金願廣招徠之意

謝衣帶鞍馬

書大事而小則簡牘願

殫細素之勤藏名山而副在京師終冀汗青之望

野處進三

朝帝紀

鼎飪養賢省已難勝於異數樽酒納約愛君期

盡於愚衷

西山謝講易終篇賜宴

願偕髦士稱棧樸之能官人

載詠詩章思采藝之不失職

倪正父代進士謝賜射推賞

君已知

言熒惑坐移於三舍臣當守職泰階願獻於六符

龍溪代宰

臣星變謝放罪

鄭衣又改爲兮莫副尙賢之目禹黻無間然

矣永肩歸美之誠

謝春衣

使忠臣得盡其心敢忘周詩

實篚之意如羣生有以自樂願推漢詔賜帛之仁

同上

繼中興聖統之編式符瑞應陋皇室維城之錄未究編

摩

進玉牒

修長樂之注曰觀景耀之宣誦思齊之詩更

侈徽音之嗣

率羣卿洎宗臣俯陋唐家之制令史官

宣景耀願陳漢頌之辭

賀皇太后上尊號

辭學指南

渤海賀正表曰三陽應律載肇於歲華萬壽稱觴欣逢

於元會恭惟受天之祐如日之升布治惟新順夏時而

謹始卜年方永邁周世以垂庥臣幸際明昌良深抃頌

遠馳信幣用申祝聖之忱仰冀清躬茂集履端之慶夏
國賀正表曰斗柄建寅正帝朔更新之旦葭灰飛管屬
皇圖正始之初四序推先一人履慶恭惟化流中外德
被邇遐方熙律之載陽應令時而布惠克凝神於窈奧
務行政於要荒四表無虞羣黎仰治爰鳳闕屆春之早
協龍廷展賀之初百辟稱觴用盡輸誠之意萬邦薦祉
克呈獻歲之心高麗賀正表曰帝出乎震方當遂三陽
之生王次乎春所以大一統之始覆幬之內歡慶皆均
中孚應天大有得位所過者化閱衆彙以常新不怒而

威觀庶邦之率服茂對佳辰之復備膺諸福之休臣幸
觀昌期遠居海外千萬歲壽考曾莫預於臚傳億兆人
同心但竊深於普祝

金國聞見錄

追尊皇考妣禮成百寮奉表賀曰聖子神孫膺期通駿
烈考文母正名垂鴻爲帝者之大榮宜臣哉之胥慶伏
惟膺蘊生知愛敦終慕駒騁過隙嗟日月之不我留龍
飛在天視富貴之無以樂欲報之德不忘於心故能尊
其所尊可謂孝乎惟孝爰遵舊典仰奉徽稱亦旣追王
宜載隆於異數本爲繼祖非謂顧其私親塋循周武以

肆遷事比漢宣而更異駿奔清廟贊大禮以告成鷺集
冊庭對宏休而歸美

大金集禮

大定二十七年冊皇太孫賀表璿官敷佑夙開甲觀之
祥寶冊正名爰定春宮之位載舉升儲之典式昭繼體
之光肆嚴奉于宗祧保永安于社稷是謂立國家之本
有以格神祇之歡少海分流接瀛波而增潤前星續耀
拱帝座以常明和氣周被于九區厚福延及于羣品臣
等欣逢聖運幸觀曠儀基緒有輝仰重離之叶古歲穀
未備慶萬壽之無疆

大金集禮

夏國進誓表曰臣國久不幸時多遇凶兩經母后之檀
權累辱奸臣之竊命頻生邊患增怒上心數端既深理
訴難達幸凶黨伏誅稚躬反正遐馳懇奏陳前咎之所
歸乞紹先盟果淵衷之俯納故班詔而諭意獲真誓以
輸誠謹當飭疆吏而永絕爭端戒國人而常遵聖化違
約則凶咎再降背盟則基緒非延約束事條恭依處分

宋史記

夏國傳

高麗牒奏比年頗王建炎乞入覲表云惟有春秋之事
可達意于明庭願踰朝夕之池獲升聞于行在又問使

者云金風已越于西成方圖平秩日脚躔違于北所適

御行朝

四六談麈

上親試諸道貢舉人詔賜高麗賓貢進士王彬崔罕等
及第既授以官遣還本國至是靖等使回泊上表謝曰
學生王彬崔罕等入朝習業蒙恩並賜及第授將仕郎
守秘書省校書郎仍放歸本國竊以當道薦修貢奉多
歷歲年蓋以上國天高遐荒海隔不獲躬趨金闕面叩
玉堦唯深拱極之誠莫展來庭之禮彬罕等幼從甄繫
嗟混迹於嵎夷不憚蓬飄早賓王於天邑縕袍短褐王

粒桂薪堪憂食貧若爲卒歲皇帝陛下天慈照毓海量
優容豐其館穀之資勗以藝文之業去歲高懸軒鑑大
選魯儒彬罕接武澤宮敢萌心于中鵠濫巾英域空有
志于羨魚陛下以其萬里辭家十年觀國俾登名于桂
籍仍命秩于芸臺憫其懷土之心慰以倚門之望別垂
宸旨令歸故鄉元造曲成鴻恩莫報臣不勝感天戴聖
之至

宋史高麗傳

邊嘗欲過鴨綠江爲界朴寅亮修表曰普天之下旣莫
非王土王臣尺地之餘何必曰我疆我理又曰歸汝陽

之舊田撫綏弊境回長沙之拙袖拊舞昌辰遼帝覽之
寢其議無名氏朝鮮史畧

李資光棄官入春州清平山王累徵堅不就表曰以鳥
養鳥庶無鐘鼓之憂觀魚知魚俾遂江湖之性朝鮮史畧

世南家嘗藏高麗國使人狀數幅乃宣和六年九月其
國遣使金紫光祿大夫檢校司空知樞密院事上柱國
李資德副使太中大夫尙書禮部侍郎柱國賜金紫魚
袋金富輒至本朝謝恩進奉各有四六倣中國體李之
詞云跛子望之適江干之弭節亦旣覲止幸堂上之披

風况飛五朶之雲特貺千金之幣禮當拜受心則愧惶
金之詞云穆如清風幸被餘光之照酌彼行潦可形將
意之勤幸被寬裕而有容敢以菲微而廢禮所塵名品
別具柴孺

張世南游宦紀聞

宋四六話卷六終